

MAHATHIR - EXPO

KUALA TERENGGANU, 15 OGOS (BERNAMA) -- PERDANA MENTERI, DATUK SERI DR. MAHATHIR MOHAMAD BERKATA HARI INI RAKYAT TIDAK HARUS BERGANTUNG BANTUAN KEPADA KERAJAAN TETAPI PATUT BERUSAHA SENDIRI UNTUK MAJU.

KATANYA, WALAUPUN KERAJAAN MEMPUNYAI TANGGUNGJAWAB UNTUK MENYEDIAKAN KEMUDAHAN, TETAPI RAKYAT JUGA MEMPUNYAI PERANAN DENGAN BERUSAHA UNTUK MEMASTIKAN MEREKA DAPAT TERUS HIDUP SELESA DAN MATLAMAT SETIAP RANCANGAN KERAJAAN AKAN TERCAPAI.

DALAM TEMURAMAH RINGKAS DI STUDIO MINI RTM PADA EXPO 10 TAHUN PEMBANGUNAN NEGERI TERENGGANU DI STADIUM NEGERI DI SINI, DATUK SERI DR. MAHATHIR BERKATA TIDAK ADA GUNA RAKYAT MEMPUNYAI KEKAYAAN JIKA MEREKA TIDAK MEMPUNYAI USAHA UNTUK TERUS MAJU.

PETANG SEMALAM PERDANA MENTERI MERASMIKAN EXPO ITU DI PADANG HILIRAN DEKAT SINI.

DATUK SERI DR. MAHATHIR JUGA BERKATA BELIAU BERPUAS HATI DENGAN PEMBANGUNAN YANG DICAPAI OLEH TERENGGANU TERUTAMA SEGI INFRASTRUKTUR DAN SEBAGAINYA YANG BERKEPENTINGAN UNTUK PEMBANGUNAN RAKYAT.

TAMBAHNYA, RAKYAT, TERUTAMANYA DI TERENGGANU HARUS TERUS BERUSAHA BERSUNGGUH-SUNGGUH DAN MENGAMBIL PELUANG YANG ADA UNTUK MENIKMATI HIDUP YANG SEMPURNA. -- LAGI.

1058MST 15 08 85

MAHATHIR - EXPO 2 KUALA TERENGGANU

PERDANA MENTERI DAN ISTERI PAGI INI BERLEPAS KE KERTIH DENGAN HELIKOPTER UNTUK MERASMIKAN LAPANGAN TERBANG KERTIH.

ROMBONGAN PERDANA MENTERI JUGA AKAN MELAWAT DERMAGA TIMUR DI TELUK KALONG DAN KILANG BESI WAJA (PERWAJA).

PADA SEBELAH PETANGNYA, ROMBONGAN DATUK SERI DR. MAHATHIR AKAN BERLEPAS KE BESUT UNTUK BERTEMU DENGAN RAKYAT SEBELUM PULANG ESOK. -- BERNAMA.

1059MST 15 08 85